

梅屋吟

臨江鄒登龍震父

關山月

行人十年歸不得
夜上戍樓看明月
樓中星斗連太白
樓外關山雁飛絕
雁飛絕歸不得
鏡裏青蛾怨離別
前年出幽燕
胡月何團圓
去年上初連
明月復蟬娟
月明照我長枕戈
胡兒未滅將奈何
憑誰寄書問婦娥
征衲不來霜霰多

梅屋吟

一

從軍行

年少良家子 身事西北金
鳴鬪馬嘶蕭 蕭短兵發
夜戰祁連山 斷甲濺腥血
番部帶箭降 番酋連陣沒
勒功紀燕然 植鼓歸漢闕

結客少年場

拜兒任氣俠 年少肝膽雄
錦臂金彈丸 銀鞍玉花驄
腰插三尺劍 手開二石弓
輕生重大義 一戰朔庭空
斬取戎王頭 旋奏甘泉宮

秋夜長曲

碧簾掛雨秋容老 寂寞江城暝
煙草流蘓帳冷屏山低 蜜炬香銷
睡常早夢驚離緒 牽愁入翠被
寒侵淚花濕思美人 今天一方
烏啼月落西風急

青樓曲

青樓女兒十五六 翠掠雲鬟妙裝束
千金學舞拜部頭 新來教得涼州曲
錦鞦少年

被花惱醉把金釵換香草西風樓前秋雁
飛舞衣狼籍花顛倒

採蓮曲

平湖淼淼蓮風清花開映日紅妝明一雙
鸚鵡忽飛去爲驚花底蘭橈鳴蘭橈蕩漾
誰家女雲安髻鬟眉黛嫵采采荷花滿袖
香花淡忘却來時路

江南春

玲瓏樓閣江城晚楊柳絲絲凝碧煙飛燕
不歸春滿地百花香裏聽啼鴉

長門怨

怨殺宮門不忍開無情孤月暗蒼苔而今
痛惜珊瑚枕曾是君王賜御來

巫山高

巫山龍窠巫峽曲一十二峯淺凝綠老猿
化石懸顛崖蟲蟲陵雲掃壇竹九靈少女
列仙從佩玉鳴鸞乘綵鳳飛魂走魄歸瑤

宮紫簫吹斷荆王夢

雪霽海月曲

羗玄圃兮玉英蹇冰輪兮太清倚縞袂兮
誰予粲一笑兮傾城倚橫吹兮寄哀思擘
幽香兮補騷情

遊仙

人命如朝露壽非金石堅安得傳六翩飄
飄凌紫煙夕夢一道士羽衣何翩躚邀我
與之去同上扶桑顛道遇青童君授以東
華編讀之三百遍忽若骨已仙道士復謂
我玄訣未可傳賜我以瓊漿飲之享遐年
明發寂無覩孤鶴翔九天

咏懷

洪河相纏綿嘉宅良可卜蒼松蔭長蹊叢
梅馥四屋過亭白水飛鳴流漱寒玉遊目
俯靈景把杖委繁俗長吟暢幽懷理琴展
清曲豈不企凌厲而乃傷局促吉士抗遐
蹤幽幽聚靈族

步出城東門

梅屋

步出城東門與子各執手遙望冢累累悲
風發隴首長松自青青枯根帶骨朽人生
如朝露嘉命那可久世無王子喬何訣以
固壽感慨徒悲傷歡言且飲酒

山上有白雲

山上有白雲浮陰翳陽光亭亭蠟纒紛出
岫高飛翔飛翔長在望遠匪千里隔莫以
秋風來吹散無踪跡

秋夜懷菊山沈莊可

涼風動金旻奄忽寒節至百卉俱萎垂梧
桐亦飄墜明月入我牖展轉不能寐顧影
重傷心思君長下淚

歲晚懷愚齋趙叔愚冰壺宋謙父

忽忽歲將暮烈烈北風涼霏霏雨素雪皎
皎南枝芳慄慄念良友玆玆在他鄉盈盈
一水隔迢迢道路長悠悠無信音戚戚重
感傷翩翩化雙鶴去去與同翔

月洲李賈友山捧檄來滄訪我梅

下示教禁體物語詠梅佳句今

歲梅開月洲仙去追和元韻感

此良友

庭前有奇樹幽艷發寒柯寂寂衆芳歇
綿綿生意多孤根依嶺表高節委岩阿
清友今何在悠悠空逝波

和竹里蘓材叔見梅懷友韻

徘徊江路側何以慰相思陽彩來寒樹
貞姿倚暮籬飄零懷遠道遼索負芳時
佇立幽吟苦餘懷將訴誰

西郊梅開懷吟軒周獻父

仲冬寒氣盛玄雲停故陰嘉樹厲清節
孤芳潔素心幽幽歲落皎皎隔塵侵
折寄無來使山川迥且淡

滕王閣懷古

凭高獨展眺風葉亂鳴秋鸞舞自空
閣漁歌尚晚舟捲簾山歷歷倚檻水
悠悠月出江城暮淒涼萬古愁

寄雲林楊少雲自衡之桂

問訊楊夫子經年客異鄉
南浮湘水遠西望楚天長
五嶺梅花發孤城草色荒
白雲遙滿目曷久住炎方

寄呈後村劉編修

衆作紛紛等噪蟬先生中律夏
鉤玄如開元可二三子自晚唐來
數百年人競寶藏南嶽藁商留金易
後村編倘令舐鼎隨雞犬凡骨從今
或可仙

戴式之來訪惠石屏小集

詩翁香價滿江湖肯訪西郊隱者居
瘦似杜陵常戴笠狂如賈島少騎驢
但存一路征行藁安用諸公介紹書
篇易百金寧不售全編遺我定交初

江居

獨作幽居計江邊屋數間
水流天自在心遠地寬闊
鋤月栽梅樹移雲疊石山
白鷗盟欲結倚杖看潺湲

溪村

兀兀小橋西人家住繞溪雲山當戶入竹
樹出簷齋風急花初盡春溪鶯亂啼稻畦
新雨足稚子亦鋤犁

題杜少陵草堂圖

背郭好林塘誅茅作草堂因吟白鴉谷爲
卜碧雞坊籠竹和煙淨江梅帶雪香四松
經喪亂閱世幾風霜

籠當作籬

遊玉笥山

玉笥凌空後玄都詔吏仙荒壇溪覆草峭
壁響流泉石洞隨龍蟄金丹許鶴傳夜深
搗藥鳥啼破翠微煙

入投龍洞

行入投龍洞青青見竹竿暮雲生道樹夜
月滿仙壇枯蘚粘崖古長松繞澗寒三生
清淨福獨此愧黃冠

上慧力寺

今代空王宅前朝處士家牛車爲象藏鹿

苑發龍華松密風生樹江空月在沙闍黎
飯鐘後邀我試新茶

寄蒼山曾子實

東湖從此別嘉會杳無期望遠音書阻思
君歲月馳春雲山隔斷秋雨雁歸遲欲見
崆峒使梅花寄一枝

幽事

閒持小斧刪梅樹自縛枯藤補菊籬燒栢
子香讀周易滴荷花露寫唐詩

遊仰山寺

施地開金刹因結佛緣恠松盤懶徑古
木護龍涵雲裏春山亂禽啼夜月圓路遙
歸不得好借上方眠

宮詞

內人倚遍玉樓東曉色開雲臘雪融羯鼓
一聲花盡拆三郎自喚作天公

梅花

約臂金寒拓綺疏搔頭玉重壓香酥含章

簪下新妝額試發，菱花得似無。

送表兄趙奏院赴南外知宗

御屏往往題名字，朝路彬彬藹薦書。
天許留中監邸奏，日求補外得堂除。
暫煩龍種司璫籍，行立鷺班侍玉輿。
丙枕或思前夜席，庚郵寧肯後鋒車。

王氏山居

聞道山居好，村溪遠俗情。
茶煙薰壁暗，蘿月射窓明。
學稼修禾譜，栽花識藥名。
無人覺幽隱，爲有讀書聲。

送雲巢曾校勘赴名

高卧雲巢久，雲生處士衣。
忽聞頒詔札，催入侍經帷。
朝野名雖盛，山林志莫違。
好歸清澗隱，富貴有危機。

水亭

闌檻玲瓏直，又橫半臨池。
水著新亭擬，招鷺宿栽添。
葦怕礙魚行，掠去萍五月。
藕花千樣錦，四時山色一般青。
有閒來此尋幽。

賞莫看人間淡墨屏

趙承遠雲扃

聞道幽居好棲雲結數椽庭深闌竹雨衣
潤染茶煙嵐氣生朝壁湍聲入夜絃半生
飛動意未得猶林泉

鄒君之詩言造理而句入律非專於
學不能到也金至百鍊而精珠穿九
曲而巧其鄒君之詩之謂歟建安真
德秀書

余爲宜春守在郡百八十二日坐向
者奏疏狂妄罷去是日舉場開白袍
皆入試無一士余送者惟詩人沈莊
可出分宜縣郭十餘里餞別甚勤又
携鄒君詩卷見示夜投古驛吏卒皆
散挑燈讀之語極清麗不覺盡卷亦
逐客一段佳話也嘉熙改元中秋後
一日莆田劉克莊題

讀鄒震父梅屋詩卷如行春風巷陌

間見時花遊女動人心目處多矣使
其加以苦心進進不已野夫它日當
避三舍因題五十六字以歸之端平
丙申良月望日石屏戴復古書

附錄

讀鄒震父詩集 剡溪姚鏞

若參選體源流遠力挽唐人氣脉回句
法間從南嶽出吟聲元自石屏來淡于
古井無波水清似孤山老樹梅見說抄
歸湖海集可能傳向道鄉臺

鄒郎雅意耽詩句多似參禪有悟無吟
到草堂師杜甫貌爲梅屋學林逋潤滋
草木山含玉光動波瀾水有珠學力到
時言語別要從騷雅著工夫

寄題鄒子梅屋 臨印魏了翁

陽和運一氣萬物生意回殿冬而暘春
幽香先到梅華非時世妝實有調鼎材
主人約歲寒結廬江之涘